



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

RESOLUCIÓN DE ALCALDÍA.

Jose Antonio Pereira Gil, Alcalde do Concello da Baña, na data da sinatura dixital, en presenza da Secretaria de dito Concello, emito o seguinte Decreto:

ASUNTO: APROBACIÓN DAS BASES REGULADORAS DO SERVIZO DE TRANSPORTE PARA ESTUDANTES DE BACHARELATO E CICLOS FORMATIVOS DA BAÑA EN CENTROS PÚBLICOS DOS CONCELLOS DE NEGREIRA E SANTA COMBA PARA O CURSO 2026/2027.

Expte. TEDEC: 2026/S012/000006

Expte. TEDEC: 2026/G003/000582 (Decreto).

Vista a necesidade de adoptar unha resolución sobre o procedemento ao que se refire este decreto en aras dos principios de eficacia e celeridade administrativa recollidos na Lei 39/2015 de 1 de outubro de procedemento administrativo común das administracións públicas e na Lei 40/2015 de 1 de outubro de réxime xurídico do sector público.

Visto que o Concello da Baña promove un servizo de transporte dirixido ao alumnado de bacharelato e ciclos formativos matriculado en centros públicos dos concellos de Negreira e Santa Comba, co obxectivo de facilitar o acceso aos estudos postobrigatorios, garantindo un medio de desprazamento adecuado e contribuíndo á conciliación da vida familiar e ao apoio ás familias do municipio.

O servizo de transporte prestarase durante o período comprendido entre os meses de setembro de 2026 e xuño de 2027, ambos incluídos, coincidindo co calendario escolar e co horario lectivo dos centros públicos de ensino de Negreira e Santa Comba nos que estea matriculado o alumnado beneficiario.

Visto o réxime de publicación dos actos administrativos de carácter xeral ou que teñan por destinatarios a unha pluralidade indeterminada de persoas recollido no artigo 45 da Lei 39/2015, de 1 de outubro, do procedemento administrativo común das administracións públicas.

Vistas as bases que rexerán o proceso de solicitude e o custo derivado do servizo de transporte de estudantes de bacharelato ou ciclos formativos do Concello da Baña en centros públicos dos concellos de Negreira e Santa Comba para o curso 2026/2027.

De acordo coas atribucións que me confire o artigo 21.1 da Lei 7/1985, de 2 de abril reguladora das Bases do Réxime Local, e en aplicación do artigo 10 da Lei 40/2015 de 1 de outubro do réxime xurídico do sector público. Resolvo:

Primeiro. Aprobar as Bases que rexerán o proceso de solicitude e o custo derivado do servizo de transporte de estudantes de bacharelato ou ciclos formativos do Concello da Baña en centros públicos dos concellos de Negreira e Santa Comba para o curso 2026/2027, que se incorporan como anexo I á presente resolución.

SEGUNDO. Publicar o presente decreto na sede electrónica municipal e na paxina web do concello da Baña.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

TERCEIRO. Dar traslado do presente acordo aos servizos municipais responsables da súa tramitación, así como a notificación aos terceiros interesados.

Mándao e asínao o señor Alcalde, e ordena darlle traslado ao departamento correspondente para a súa incorporación ao expediente do que eu Secretaria Paula Martís Torres dou fe.

DOCUMENTO ASINADO ELECTRONICAMENTE



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

ANEXO I

BASES QUE REXERÁN O PROCESO DE SOLICITUDE E O CUSTO DERIVADO DO SERVIZO DE TRANSPORTE DE ESTUDANTES DE BACHARELATO OU CICLOS FORMATIVOS DA BAÑA EN CENTROS PÚBLICOS DOS CONCELLOS DE NEGREIRA OU SANTA COMBA PARA O CURSO 2026/2027.

1. OBXECTO

Son obxecto destas bases regular o proceso de solicitude e o custo derivado do servizo de transporte daqueles/as alumnos/as do concello estudantes de bacharelato ou ciclos formativos en centros de ensino públicos dos concellos de Negreira ou Santa Comba, nalguna das seguintes modalidades:

- Bacharelato.
- Ciclo de formación profesional básica *
- Ciclo medio de formación profesional. *
- Ciclo superior de formación profesional. *

* Nas modalidades de Réxime ordinario, Formación profesional Básica e Formación profesional dual.

A finalidade é favorecer a escolarización non obrigatoria nos niveis de bacharelato e ciclos de formación profesional.

2. PERSOAS DESTINATARIAS

Os/As estudantes matriculados nun dos centros públicos de Negreira ou Santa Comba sinalados a continuación:

- Instituto de Educación Secundaria Xulián Magariños (Negreira).
- Instituto de Educación Secundaria Terra do Xallas (Santa Comba).

Estes estudantes non disporán de medios propios para desprazarse aos centros de ensino anteriormente citados nin terán a opción de facer uso do transporte público, xa sexa pola inexistencia de liñas regulares de transporte ou, de existir estas, os horarios non concorden coas horas de chegada e/ou saída aos centros de ensino.

3. ESTRUCTURA DO SERVIZO

Este servizo será de carácter temporal, ofrecido dende setembro do 2026 ata xuño do 2027 (ambos incluídos), coincidindo co calendario escolar anual e en horario lectivo dos centros educativos:

- Horario IES Xulián Magariños: entrada ás 08:45 horas. Saída ás 14:25. Clases os martes pola tarde de 16:20 a 17:50 horas.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

- Horario IES Terra do Xallas: entrada ás 08:50, saída ás 14:30 horas. Clases os luns pola tarde de 15:40 a 18:10 horas.

A organización das rutas e distribución dos/as alumnos/as nos vehículos habilitados para cubrir o servizo serán xestionadas desde a Concellería de Acción Social, Cultural e Servizos á Cidadanía do Concello da Baña.

Non haberá servizo de transporte do alumnado que cursa estudos no IES Terra do Xallas os luns ás 14:30 nin ás 15:40 horas. Os luns o servizo será no horario de entrada das 08:50 horas e no de saída das 18:10 horas.

Non haberá servizo de transporte do alumnado que cursa estudos no IES Xulián Magariños os martes ás 14:25 nin ás 16:20 horas. Os martes o servizo será no horario de entrada das 08:45 horas e no de saída das 17:50 horas.

As prazas dispoñibles no curso 2026-2027 son un total de 25. Se a demanda fose superior a esta cifra podería adecuarse o número de prazas as necesidades existentes.

4. INSCRICIÓNS:

O prazo de presentación de instancias será de **dez (10) días hábiles** a contar dende o día seguinte á publicación destas bases na Sede electrónica do Concello da Baña e na páxina web municipal. Transcorrido este prazo non se admitirán novas inscricións.

As solicitudes presentaranse segundo os modelos normalizados, que deberán ser asinadas pola nai, pai, titor/a legal ou membro da familia de acollida da nena ou neno e presentarse no Rexistro Xeral do Concello ou por calquera dos medios previstos no artigo 16.4 da Lei 39/2015, do 1 de outubro, do procedemento administrativo común das administracións públicas.

A solicitude será única para tódolos/as fillos/as. Se estivesen admitidos/as en centros docentes diferentes presentarán unha solicitude por cada fillo/a.

Consideraranse admitidas todas as persoas que, cumprindo os requisitos, acheguen a documentación necesaria en forma e prazo.

A baixa no servizo é libre e poderase presentar en calquera momento, solicitándoo así por escrito no rexistro xeral do Concello da Baña e dando aviso previo nas oficinas municipais encargadas de supervisar o servizo, segundo o establecido nesta na convocatoria. De non constar dita baixa oficialmente, a través do citado rexistro, seguirá a pasarse a cota correspondente.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

Poderán ser motivo de baixa involuntaria aqueles casos onde non se faga uso do servizo de transporte de xeito reiterado, en períodos de dúas ou máis semanas, e sen acreditar debidamente os motivos e/ou causas polas cales non se usa dito servizo.

5. DOCUMENTACIÓN:

Esta solicitude deberá vir acompañada da seguinte documentación:

- Anexo 1. Ficha de inscrición
- Anexo 2. Orde de domiciliación bancaria
- Anexo 3. Autorización de número de móbil para comunicacións
- Declaración da renda exercicio 2025 ou certificado negativo de non ter a obriga de presentación da mesma.
- Certificado de discapacidade, de ser o caso.
- Fotocopia do documento de identidade da persoa menor ou libro de familia
- Fotocopia do documento de identidade da persoa titular da conta

6. PREZOS PÚBLICOS:

As cotas serán aplicadas de acordo co determinado na correspondente Ordenanza Fiscal Reguladora do Prezo Público polos Servizos Culturais e Deportivos, artigo 4 (punto 4.5) do ano 2016.

O pagamento do servizo efectuarase por domiciliación bancaria e de forma mensual. O primeiro cargo farase a comezos de outubro e corresponderá ao servizo de setembro.

O prezo público asumido pola persoa usuaria será o seguinte

PAGAMENTO CON BASE NA ORDENANZA FISCAL REGULADORA DO PREZO PÚBLICO POLOS SERVIZOS CULTURAIS E DEPORTIVOS	
RENDA PER CÁPITA	CUSTO
Ata 7250 euros	50 €/mes
Entre 7251 e 14.000 euros	75€/mes
Máis de 14.000 euros	100€/mes

No suposto dalgún dos casos que se relacionan a continuación serán de aplicación unha serie de descontos:

. Aqueles/as usuarios/as que aporten a documentación correspondente demostrando que non poden usar o servizo de transporte á volta por non coincidir os horarios da FP cos do bacharelato terán un desconto do 50%, sempre e cando ningún dos días

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

lectivos coincidan ditos horarios.

. Por segundo/a irmán/irmá: desconto do 17,5 % a aplicar á cota correspondente a cada unidade familiar.

. Por discapacidade acreditada do/a usuario/a do servizo de transporte igual ou superior ao 33 %: desconto do 50% a aplicar á cota correspondente a cada unidade familiar.

. Por ser familia numerosa de réxime xeral ou familia numerosa de réxime especial: desconto do 50 % a aplicar á cota correspondente a cada unidade familiar.

A renda neta per cápita familiar obterase como resultado de realizar os seguintes cálculos en base á declaración da renda do exercicio 2025:

1. Sumarase a base imponible xeral coa base imponible do aforro.
2. Deste resultado restarase a cota líquida resultante da autoliquidación.

Segundo isto, a renda familiar para os efectos da autodeclaración é o resultado da facer as seguintes operacións coa declaración do IRPF: recadro 435 + recadro 460 – recadro 595. O resultado obtido dividirase polo número de membros que forman parte da unidade familiar.

7. PROTECCIÓN DE DATOS.

a) Responsable do tratamento	Concello da Baña NIF: P1500700H Contacto Delegado de Protección de Datos (DPD):dpd@concellodabana.gal
b) Finalidade do tratamento	Xestión dos servizos, actividades e eventos educativos organizados e promovidos polo Concello da Baña.
c) Lexitimación	Artigo 6.1.c) RXPd o tratamento é necesario para o cumprimento dunha obrigaón legal: - Lei 7/1985, do 2 de abril, reguladora das bases do réxime local. Artigo 6.1.e) RXPd o tratamento é necesario para o cumprimento dunha misión realizada en interese público ou no exercicio de poderes públicos conferidos ao responsable do tratamento. En certas ocasións o tratamento pode estar baseado no artigo 6.1.a) do RXPd: consentimento das persoas afectadas.
d) Categoría de persoas interesadas	Persoas participantes nas actividades educativas organizadas ou promovidas polo Concello da Baña.
e) Categoría de datos	-Datos identificativos: nome e apelidos, NIF, enderezo postal, teléfono, imaxe, correo electrónico, sinatura. Número de conta.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
correo@concellodabana.gal
www.concellodabana.gal

f) Destinatarios/as	Outras administracións públicas competentes na materia. Entidades ou profesionais externos que se encarguen de impartir o taller ou formación e que terán a consideración de encargado de tratamento.
g) Transferencias Internacionais	Non está previsto realizar transferencias internacionais.
h) Prazos de conservación	Os datos conservaranse durante o tempo necesario para cumprir coa finalidade para a que se solicitaron e para determinar as posibles responsabilidades que se puidesen derivar da devandita finalidade e do tratamento dos datos. Será de aplicación o disposto na normativa de arquivos e documentación. En calquera caso, os datos poderán ser conservados, no seu caso, con fins de arquivo de interese público, fins de investigación científica e histórica ou fins estatísticos.
i) Medidas de Seguridade	As medidas de seguridade (técnicas e organizativas) implantadas cumpren co Anexo II (Medidas de seguridade) do Real decreto 3/2010, do 8 de xaneiro, polo que se regula o esquema nacional de seguridade e no ámbito da administración electrónica (ENS).

8. DISPOSICIÓN FINAL.

Estas bases e cantos actos administrativos deriven das mesmas poderán ser impugnadas nos casos e na forma establecidos pola LPACAP e a Lei 29/1998, de 13 de xullo, reguladora da xurisdición contencioso-administrativa.

Contra este acordo, que pon fin á vía administrativa, poderase interpor o recurso potestativo de reposición, ante o mesmo órgano que ditou o acto, no prazo dun mes que se contará desde o día seguinte ao da publicación deste acordo, de conformidade cos artigos 123 e 124 da Lei 39/2015, do 1 de outubro, do procedemento administrativo común das administracións públicas.

Poderase interpoñer o recurso contencioso-administrativo, ante o Xulgado ou Sala do Contencioso-Administrativo do Tribunal Superior de Xustiza de Galicia, de conformidade cos artigos 8 e 10 da Lei 29/1998, do 13 de xullo, reguladora da xurisdición contencioso-administrativa, no prazo de dous meses que se contará a partir do día seguinte ao da publicación deste acordo ou desde o día seguinte a aquel en que se notifique a resolución do recurso potestativo de reposición ou en que este se deba entender desestimado.

Todo isto sen prexuízo do dereito dos/as interesados/as a formular calquera outro recurso que se considere pertinente.